

Atvinnuvega- og nýsköpunarráðuneytið
Skúlagötu 4
101 Reykjavík

Efni: Umsögn um Veiðistjórnun hrognkelsaveiða

01.okt.2018

Ekki er deilt um rétt stjórnvalda til þess að takmarka og stjórna veiðum á grásleppu, ég vil þó benda á þann forgangsrétt sem einstaklingar kunna að eiga til að nýta þessa auðlind þaðan frá sem þeir búa og vil í því sambandi benda á ákvæði jónsbókar um netalög svo og heimildarákvæðis í lögum nr.6 19. Júní 1888 um bátfiski á fjörðum, en heimildarákvæði þetta heimilaði yfirvöldum að banna veiðar aðkomubáta á heimamiðum inni á fjörðum og er en í gildi samkvæmt heimasíðu alþingis.

Það er brýn nauðsyn ætli stjórnvöld að kvótasetja grásleppu að halda núverandi svæðaskiptingu veiðisvæða og að setja skilyrði um hvaða skip og með hvaða eignarhald mega veiða innan hvaða svæða, þessi ákvæði munu og geta komið í veg fyrir staðbundna ofveiði á einstökum veiðisvæðum og aflabrest þar í framhaldi af því.

Stjórnvöld geta ekki leyft sér með orðræðu sinni að tala endalaust um það að efla þurfi búsetu og atvinnulíf á landsbyggðinni, en svo unnið þvert á þau orð með því að stuðla að því að landsbyggðin sé notuð sem nokkurs konar verstöð fyrir fólk og fyrirtæki með lögheimili og fasta búsetu á þéttbýlisvæðum á höfuðborgarsvæðinu. Þetta er m.a. gert með því að leyfa frjálsa nýtingu staðbundinna náttúruauðlinda án nokkurra skilyrða um búsetu.

Bjarni Kristjánsson